

Վ. Ա. Քույան

ԹՎԱԿԱՆԻ ԲԱՌԱԿԱՊԱԿՑՈՒԹՅՈՒՆՆԵՐԸ ԺԱՄԱՆԱԿԱԿԻՑ ՀԱՅԵՐԵՆՈՒՄ

Բառակապակցությունը, որպես շարահյուսական առանձին կատեգորիա, ժամանակակից հայերենի քերականության մեջ համարյա չի ուսումնասիրված: Մ. Արեղյանը իր «Աշխարհարարի շարահյուսություն» գրքում մասամբ շոշափել է բառակապակցությունների մի շարք տեսակների հարցը, սակայն ոչ միայն չտեղմիջակորելով, այլև քերականորեն չարժեքավորելով շարահյուսական այդ կատեգորիան ժամանակակից հայերենի քերականական սիստեմում:

Ինչ պետք է հասկանալ բառակապակցություն տեսելով:

Բառակապակցությունը երկու կամ ավելի լիիմաստ բառերի քերականական այնպիսի կապակցություն է, որն արտահայտում է մի միասնական, բայց անդամազատ հասկացություն, իմաստ:

Բառակապակցությունը չի կարելի շփոթել նախադասության հետ, քանի որ նախադասությամբ դրսևորվում է ավարտված միտք, իսկ բառակապակցությունը սոսկ հասկացություն է արտահայտում: Բառակապակցությունը միայն նախադասության միջոցով և նախադասության մեջ է հանդես գալիս որպես խոսքի հաղորդակցման միջոցների բաղադրիչ: Բառակապակցությունը նախադասությանից դուրս գոյություն ունի սոսկ որպես լեզվի անվանողական (նոմինատիվ) միջոց: Եթե բառերը լեզվի շինանյութն են պարզագույն ձևով, ապա բառակապակցությունները այդ պարզագույն միավորներից ցեմենտված ամբողջություններ են, որոնցով կառուցվում է լեզվի շինքը՝ դրսևորվում են մարդկային մաքերը:

Բառակապակցությունը նախադասություն չէ, նրան հատուկ չեն շարահյուսական այն կատեգորիաները (դեմքի, թվի, ժամանակի), որոնք պայմանավորում են խոսքի մեջ հաղորդվող մտքի հարաբերական ավարտվածությունը:

Սակայն բառակապակցությունները շարահյուսական կոնկրետ իրողություն են, որոնք, պատմականորեն ձևավորվելով, լեզվի զարգացման յուրաքանչյուր էտապում փոփոխվում են: Պատմական ամեն մի փուլում գործում են բառակապակցությունների յուրահատուկ ձևեր, որոնցով կազմվում են նախադասությունները:

Մյուս կողմից, բառերի կապակցության կանոնները, տարբեր բառակապակցությունների կազմության օրենքները պայմանավորում են ամեն մի լեզվի ազգային յուրահատկությունը:

Այս իմաստով էլ հնարավոր չէ իմանալ որե՛կ լեզու, առանց հանգամանորեն ուսումնասիրելու այդ լեզվի բառերի կապակցության օրինաչափությունները: Այս է պատճառը, որ միայն բառարանով և ձևաբանությամբ դեռևս լեզուն սովորած չեն համարում: Նույնիսկ նույն լեզվով խոսող ոչ բոլոր անհատներն են կարողանում ճիշտ շարադրել իրենց մտքերը, այլ նա, ով լավ գիտե տվյալ լեզվի բառակապակցությունների օրենքները:

¹ Տե՛ս «Грамматика русского языка», II, часть I, стр. 1954, 10—22.

Ժամանակակից հայերենի բառակապակցությունների գիտական բազմակողմանի ուսումնասիրությունը խիստ անհրաժեշտ է ոչ միայն ակադեմիական քերականության ստեղծման, այլև շտապ լուծում պահանջող առօրյա բազմաթիվ հարցերին պատասխան տալու նպատակով: Հայանի է, որ մեզնում վերջերս ձեռնարկված են էլեկտրոնային հաշվի մեքենայով թարգմանություն կատարելու աշխատանքներ: Հայերենից այլ լեզվի և ընդհանրապես թարգմանություն հնարավոր չէ, եթե մանրամասն մշակված չլինի ժամանակակից հայերենի ոչ միայն ձևաբանությունը, բառագիտությունը, այլև առաջին հերթին՝ բառակապակցությունների ուսմունքը:

Մեծ ուսումնասիրությունն առաջիմ ընդգրկում է թվականի բառակապակցությունները: Այս ընտրությունը պատահական չէ: Ընչպես վերը նշվեց, Մ. Արևիկյանը, հետագայում նաև Վ. Առաքելյանը, մասամբ անդրադարձել են բառակապակցությունների որոշ տեսակներին (բայական և անվանական), մինչդեռ թվականի բառակապակցությունները չեն ուսումնասիրվել բոլորովին:

Մյուս կողմից, առօրյա դասավանդման պրակտիկայում անընդհատ ծագում են բազմաթիվ դժվարություններ՝ կապված թվականի բառակապակցությունների, այդ կապակցությունների և նախադասության անդամների փոխհարաբերության հարցերի հետ:

Սակայն, սկզբից ևս չպետք է նշել, որ բառակապակցություն և նախադասության անդամ հասկացությունները ոչ բացառում և ոչ էլ փոխարինում են իրար: Այդ նշանակում է, որ բառակապակցությունը չի վերացնում նախադասության անդամների տրադիցիոն ըմբռնումը: Մյուս կողմից էլ անհրաժեշտ է նշել, որ բառակապակցությունը և նախադասության անդամը նույն բանը չեն: Դրանք ունեն առանձին իմաստ և արտահայտում են շարահյուսական տարբեր կատեգորիաներ: Բառակապակցությունը որոշ դեպքերում կարող է համընկնել նախադասության անդամ հասկացությանը, սակայն մեծ մասամբ տարբերվում է նրանից: Այսպիսով, դրանք ինչպես իբեց ձևով, այնպես էլ շարահյուսական դերով տարբեր են:

Մեր նպատակն է այստեղ սոսկ նկարագրել թվականի բառակապակցությունները, իսկ այդ կապակցությունների և նախադասության անդամների փոխհարաբերության հարցը ենթակա է առանձին քննության: Թվականի բառակապակցություններ ասելով ի նկատի ենք ունեցել և՛ անվանական այն բառակապակցությունները, որտեղ թվականը լրացում է, և՛ այլ խոսքի մասերի հետ լրացման դերում հանդես եկող թվականով կապակցությունները, վերջապես այն բառակապակցությունները, որոնցում թվականը լրացյալ է: Ըստ այսմ էլ սույն աշխատանքը բաղկացած կլինի երեք հատվածից. ա) թվականն անվանական բառակապակցություններում, բ) թվականն այլ խոսքի մասերով կազմված բառակապակցություններում, գ) թվականն իբրև բառակապակցության գլխավոր բառ լրացյալ:

Անվանական բառակապակցություններ՝ թվական լրացումով.— Թվականով բառակապակցությունների մեջ ամենից գործունը այս տեսակն է: Իրապատճառն այն է, որ թվականը, լինելով առարկայի թվական հատկանիշ արտահայտող բառ, նախադասության մեջ դառնում է գոյականի լրացում: Թվականով կազմված անվանական բառակապակցություններն ըստ էության բաժանվում են երկու մասի:

Առաջին տեսակի բառակապակցություններում գոյականը սովորաբար հանդես է գալիս որպես շարահյուսական ինքնուրույն ֆունկցիա ունեցող բառ,

և այս դեպքում թվականը սոսկ նրա որոշիչն է լինում: Հետևաբար այս բառակապակցություններն արտահայտում են որոշիչ հարարերություն՝ բաղադրիչների միջև: Այս տիպի բառակապակցություններ կազմվում են քանակական, դասական և բաշխական թվականներից և անձ կամ իր ցույց տվող բոլոր գոյականներից: Այսպես են, օրինակ, առաջին դասը, երկու շենքը, վեցերորդ շարք, ութական աշակերտ և այլն: Բառակապակցության լրացյալը կարող է կատարել շարահյուսական տարրեր պաշտոններ, և դրանցից թվականի լրացական հարաբերությունը չի փոխվում: Եթե ցույց է տալիս տվյալ առարկայի թվական հատկանիշը: Այսպիսի բառակապակցություններ են՝ հինգ երեխա, քսան զինվոր, տասնհինգ գյուղ, երրորդ գունդ, չորսական զինք և այլն: Օրինակներ՝

«Յոթն ավանները միասին ունեն տասներեք հազար երեք հարյուր ութ հետևակ և ձիավոր զինվոր» (Րաֆֆի, Երկեր, 7-րդ հատոր, 1956, էջ 184):

«Առաջին պարսպի քանդակը այն աստիճան լայնացել էր, որ լեռնականները ներս էին մտել և այժմ սկսել էին փորել երկրորդ պարսպի ստորոտը» (Րաֆֆի, 7-րդ հատոր, 1956, էջ 306):

«Խմբի հետևից եկող ուժեղ ձիերին բարձել էին երկու վարագ» (Դ. Դեմիրճյան, Վարդանանք, 1954, էջ 8):

«Երկու խոսակիցները միաժամանակ բարձրացրին գլուխները» (Մուրաջան, Երկեր, 3-րդ հատոր, 1952, էջ 171):

Բերված նախադասություններում թվականների լրացյալ գոյականները շարահյուսական զանազան պաշտոններ ունեն (ուղիղ խնդիր, հատկացուցիչ, ենթակա և այլն): Ինչով է դրսևորվել քննվող բառակապակցությունների գլխավոր և կախյալ բառերի հարաբերությունը: Շարահյուսական այդ հարաբերության դրսևորման ձևաբանական միջոց չկա: Սա վերաբերում է ոչ միայն բառակապակցությունների այս ենթատեսակին, այլև թվական լրացում ունեցող բոլոր բառակապակցություններին: Բառակապակցությունների բաղադրիչների հարաբերությունն այստեղ արտահայտվում է զուտ շարահյուսական-խմաստային ձևով: Այս առանձնահատկությունն անհրաժեշտ է ի նկատի ունենալ այլ լեզուներից հայերեն և հակառակ թարգմանությունների ժամանակ, մասնավորապես հայերենից ռուսերեն և ռուսերենից հայերեն մեքենայով կատարվող թարգմանությունների գործում:

Անվանական բառակապակցությունների մեջ առանձնահատուկ տեղ ունեն այն կապակցությունները, որոնցում գլխավոր բառի դերում հանդես են գալիս տարածության, ժամանակի, կշռի, ծավալի, հաշվի և բազմաթիվ այլ չափերի միավոր արտահայտող բառեր: Նման կապակցություններում համապատասխան միավորն ստանում է թվական որոշիչ, որն արտահայտվում է մեծ մասամբ քանակական թվականով: Այդպիսի միավոր են՝ միլիմետր, սանտիմետր, մետր, կիլոմետր, հեկտար, քառակուսի մետր, խորանարդ մետր, վայրկյան, րոպե, ժամ, օր, ցերեկ, գիշեր, շաբաթ, ամիս, տարի, դար, դրամ, կիլոգրամ, ցենտներ, փուր, տոննա, կաուր, գլուխ, շունչ, յև, հոգի և բազմաթիվ այլ բառեր, որոնք իմաստային զանազան անցումներով ձևով են բերել կամ ձևով են բերում չափի միավորի նշանակություն:

Այսպիսի բառակապակցություններում գոյականը միշտ եզակի է դրվում: Գոյականի շարահյուսական դերն այս տիպի բառակապակցություններում անխզելի է նրա հետ կապակցված թվական բաղադրիչից: Իմաստային տեսակետից

այս կապակցությունը այնպիսի միասնություն է, որ չի կարելի մասերի բաժանել: Այսպես են՝ երեք մետր, հինգ կտոր, երկու բաժակ (չափի իմաստով), վեց օր, քսան ռուբլի, տասը զրամ, ութը հոգի, առաջին պահ, ինն հատ և այլն: Օրինակներ՝

«Տունը շատ հեռու չէր, բայց որ հասավ, այնպիսի հոգնածություն էր զգում, կարծես տասը վերստ ճանապարհ էր կտրել (Նար-Դոս, Երկեր, հատ. 1, 1955, էջ 155):

«Նրանք կոլտնտեսության տասնհինգ հազար ռուբլի գումարը ինքնագլուխ բաժանել են իրենց բարեկամներին ու մտերիներին» (Ս. Խանզադյան, «Հողը», 1957, էջ 439):

«Մշկահանդը տարեկան վեց հազար ցենտներ հաց կտա մեզ» (Ս. Խանզադյան, «Հողը», 1957, էջ 440):

«Լվացարանի ջրից մի երկու բուռ շփեց կոշտ, մազակալած երեսին» (Քր. Թափալցյան, «Ոսկե հովիտ», 1955, էջ 48):

«Հաբյուր զրամ կոնյակ խմեց» (Քր. Թափալցյան, ն. տ., էջ 48):

«Մի րոպե իշխանուհու դաժան, թափառող հայացքը կանգ առավ գրասեղանի մոտ հատակի վրա, ուր սե թանաք էր թափված» (Նար-Դոս, 1-ին հ., 1955, էջ 197):

«Ծիմերի քառակուսի կտորներից երեք-չորս հատ իրար վրա դնելով՝ վերցրեց, բերեց...» (Քր. Թափալցյան, «Ոսկե հովիտ», 1955, էջ 373):

Այսպիսի գոյականների հետ կապակցվում են նաև դասական թվականները ցույց տալով տվյալ չափի միավորի, որպես առարկայի, հերթական կարգը: Այդ բառակապակցություններն էլ դարձյալ արտահայտում են իմաստային մի ամբողջություն. նրանց բաղադրիչները միասնական են ոչ միայն իմաստային, այլև շարահյուսական տեսակետից:

Պետք է նշել, որ նման կապակցությունների մեջ ավելի հաճախ հանդես է գալիս առաջին դասականը:

Օրինակներ՝

«Վռամը երկրորդ բաժակ ջուրը դատարկելուց հետո, խոսեց իր երկհարկանի վիլլայի մասին» (Քր. Թափ., «Ոսկե հովիտ», 1955, էջ 56):

«Առաջին պահ ոչ մեկը նրանցից բառ անգամ չէր կարողանում ասել» (Գ. Սևունց, «Թեհրան», հ. 1-ին, 1953, էջ 401):

«...համատարածի առաջին օրվանից վերջին ասեղս բերել եմ կոլխոզ, ինքս էլ մտել եմ, քսաներկու տարի ճակատիցս քրտինք եմ թափել» (Քր. Թափ., «Ոսկե հովիտ», 1955, էջ 254):

«Երրորդ օրը նկատեց, որ չոր կերպով հագում է» (Նար-Դոս, հատ. 3-րդ, 1955, էջ 169):

Պետք է նշել, որ չափի միավոր արտահայտող գոյականների հետ կապակցվում են նաև բաշխական թվականները, սակայն այսպիսի յառաջադասականությունների գործածությունը համեմատաբար սահմանափակ է: Ավելի հաճախ գործածվում են մեկական ժամ, ելեքական բաժակ, չորսական ռուբլի և այլ ձևեր:

Օրինակներ՝

«Դուրսն այս անգամ այնքան բարեհաճ գտնվեց, որ առանց ծիծ ու կովի մի-մի կտոր հաց ու պանիր էլ չպրտեց նրանց գոգը» (Նար-Դոս, 1-ին 1955, հ. 91):

«Հինգ-հինգ հոգի իրար դեմ ելած՝ սրամարտ էին մղում» (Ի. Դեմիրճյան, «Վարդանանք», 1952, էջ 14):

Առանձին տեղ ունեն այն բառակապակցությունները, որոնք կազմվում են թվականով և տեսակ, կարգ գոյականներով, որոնք կարող են տվյալ կապակցություններում հանդես գալ նաև տեսակի, կարգի, շարքի սեռական ձևով: Տեսակ, կարգ բառերը չափ կամ որոշակի աստիճան չեն նշում, սակայն թվականի հետ միասին ցույց են տալիս հատկանիշ (թևն ոչ ուղղակի, այլ ընդհանուր ձևով): Այսպես են՝ երկու տեսակ (երկու տեսակի), հազար տեսակ (հազար տեսակի), երրորդ տեսակի, առաջին կարգի, չորրորդ կարգի և այլն: Օրինակներ՝

«Նա երկու տեսակ հայացք ունի. մեկը՝ խիստ ու պրպտող, երբ նայում է քեզ շեշտակի, և մյուսը՝ մտածկոտ ու մեղմադձոտ...» (Նար-Դոս, 2-րդ. 1955, էջ 427):

Թվականի և չափի միավորի իմաստ ունեցող գոյականի բառակապակցությունները լինում են ոչ միայն երկանդամանի, այլև եռանդամանի, երբ չափի միավորն ունենում է նաև այլ բնույթի լրացում: Այս դեպքում քանակական թվականը լրացական հարաբերություն մեջ է գտնվում ոչ միայն չափի միավոր գոյականի, այլև այդ գոյական լրացման ու գոյականի նկատմամբ՝ միասին վերցրած: Իբրև կանոն, այդպիսի դեպքերում չափի միավորի հետ սերտ կապակցության մեջ են գտնվում ածականները: Օրինակ, քառակուսի մետր, խորանարդ սանտիմետր, ծովային մղոն, մեծ ամպեր, լիքը բաժակ, փոքր կում և այլն:

Այս ձևով ստացվում են՝ հինգ քառակուսի մետր, երեք լիքը բաժակ, հարյուր ծովային մղոն և այլն:

Օրինակ՝

«Նա մի երկու փոքր կում ջուր ըմպելով, գեղեցիկ, կարմիր շրթունքները, որոնք ասես սնգուրված էին, թաշկինակով սրբելով՝ շարունակեց...» (Ք. Թափալցյան, «Ոսկե հովիտ», 1955, էջ 51):

Թվականով և չափի միավոր գոյականով կազմված բառակապակցությունը կարող է կապակցվել նման այլ բառակապակցության հետ: Օրինակ՝ քսան ուրբի երեսուն կոպեկ, հազար վեց հարյուր մետր քսանհինգ սանտիմետր և այլն: Այստեղ բաղադրիչ բառակապակցությունները կապակցված են հավասարության հարաբերությամբ, լրացական փոխհարաբերությունն այստեղ բացակայում է:

Այսպիսի բառակապակցությունները շարահյուսական տեսակետից միասնություն են կազմում, այսինքն միասին են հանդես գալիս որպես նախադասության մեկ անդամ: Իրություն մեջ այդպիսի բառակապակցությունները որևէ կերպով չեն բաժանվում իրարից և գիտվում են որպես շարահյուսական մի ամբողջություն՝ բաղադրյալ բառակապակցություն:

Օրինակ՝

«Այսօրվա կուրսով հարյուր ֆրանկն անում է ճիշտ երեսունհինգ ուրբի քառասունհինգ կոպեկ» (Նար-Դոս, հ. 3-րդ, 1955, էջ 128):

Սրանց նման են նաև այն բառակապակցությունները, որոնց չափի միավորը հավասարությամբ կապակցված է ավելի պակաս միավորի հետ: Այսպես են՝ հինգ մետր ու կես, հարյուր կիլոմետր ու հարյուր մետր, հիսուն տոննա ու կես, վեց ժամ ու կես: Նման դեպքերում չափի միավորը կես բառի

հետ կապակցվում է ու կսում և շաղկապներով, իսկ ուրիշ միավորների հետ առանց շաղկապի:

Օրինակ՝

«Ծառն ուսին դրած գավազանի պես,

Քալեր էր անում չորս կանգուն ու կես» (Ղ. Աղայան, *Ընտիր երկեր*, 1956, էջ 374):

Թվականի և ժամանակի միավոր գոյականի բառակապակցությունը կարող է ունենալ նաև լրացում, որը նշում է ժամանակի ավելի մեծ հատված, որի մի մասն է հիշյալ կապակցությունում արտահայտված ժամանակամիջոցը: Այդ լրացումն արտահայտվում է գոյականով կամ ածականով (ամիսը, տարին, շաբաթը, օրը, օրական, տարեկան և այլն):

Այսպես կազմվում են՝ ամիսը վեց օր, շաբաթը քսան ժամ, օրական տասնհինգ թույն և այլն:

Օրինակներ՝

«Եթե նրան իր ծանոթ կանայք ու աղջիկները չզանգահարեին, օրական քսան ժամ կարող էր կառչել գրասեղանին» (Քր. Թաթ., *Ոսկե հովիտը*, 1955, էջ 576):

Թվականի և չափի միավոր արտահայտող գոյականների կապակցությունն այնքան սերտ է, որ այդ բառակապակցություններն իբրև մի սերտ ամբողջություն են հանդես գալիս նաև շարահյուսական տեսակետից՝ մտնելով նոր կապակցության մեջ մի շարք մակրայների և այլ խոսքի մասերի հետ, ինչպես վերջիններիս ինքնուրույն, այնպես էլ կապական կիրառության դեպքում: Այսպես, օրինակ, այդ բառակապակցությունները հանդես են գալիս առաջ, հետո, հեռու, շուտ, ուշ և այլ մակրայների լրացման դերում հետևյալ նախադասությունների մեջ:

«Դուրսը Ազադի հրապարակային զեկուցումից երեք օր հետո ինստիտուտի դասախոսական կազմի ժողով հրավիրվեց դիրեկտորի լայն, ընդարձակ առանձնասենյակում» (Գ. Սևունց, «Թեհրան», 1-ին հատ., 1953, էջ 36):

«Պլենումն սկսվելուց հինգ օր առաջ նրան իր մոտ կանչեց առաջին քարտուղարը» (Ս. Խանգադյան, «Հողը», 1955, էջ 678):

«Բռնից մի երկու քայլ հեռու դրված էին երկու գրապահարան» (Քր. Թաթ., *Ոսկե հովիտ*, 1955, էջ 6):

Բերված օրինակներից երեւում է, որ առաջ, հետո, հեռու մակրայները ունեն լրացումներ, որոնք արտահայտված են թվականով և չափի միավոր արտահայտող բառերի կապակցություններով:

Սակայն գործածության ավելի լայն շրջանակ ունեն այն բառակապակցությունները, որոնց գլխավոր բառ մակրայ-կապական բառը չունի կապի խնդիր՝ Այդ դեպքում թվականի ու չափի միավոր գոյականի բառակապակցությունը մի տեսակ երկակի նշանակություն է ստանում՝ արտահայտելով ոչ միայն տվյալ ժամանակի կամ տեղի (որոնք արտահայտվում են մակրայ-կապական բառով) անողություն կամ չափի, այլև սկզբնականի հարաբերություն: Այսպես, օրինակ, երեք օր հետո, վեց կիլոմետր հեռու, հինգ թույն առաջ և այլ բառակապակցություններում երեք օր, վեց կիլոմետր, հինգ թույն կապակցությունները նշում են և ժամանակի ու տարածության չափը, այլև մատնանշում են այդ ժամանակի ու տարածության սկզբնակետը:

Օրինակներ՝

«Երևք օր հետո Ջեհթարին Մադինին տարավ Շիմրան՝ Թեհրանից ոչ այնքան հեռու գտնվող ամառանոցը» (Գ. Սևունց, «Թեհրան», 1-ին հ., 1953, էջ 95)։

«Ինն ամիս առաջ նրան այդտեղից մի խումբ բանվորների հետ վոնդե-ցին՝ աշխատավարձի իջեցման դեմ բողոքելու համար» (Գ. Սևունց, «Թեհ-րան», 1-ին հ., էջ 211)։

«Ձի իմանում, թե ինչ է կատարվել, — իսկույն անցավ նրա մտքով, — որ իմանա, քսան կիլոմետր հեռու կիախչի» (Քր. Թափ., «Ոսկե հովիտ», 1955, էջ 698)։

Այս վերջին հանգամանքն է պատճառը, որ երբեմն հետո, առաջ մակ-բայ-կապական բառերի մոտ թվականով ու չափի միավոր գոյականով կապակ-ցություն լրացումը ստանում է ոչ թե պարագայական, այլ խնդրային բնույթ, որի հետևանքով և դրվում է բացառական հոլովով։ Այսպիսի կապակցություն-ները գործածական են ինչպես գրական, այնպես էլ առօրյա խոսակցական լեզվում։

Օրինակներ՝

«Երեք օրից հետո դուրս եկան Ողական ամրոցից երկու եղբոր որդի-ները» (Րաֆֆի, Երկեր, 7-րդ հատ., էջ 266)։

«Նրան դեղատանն ասել էին, որ իր պատվերը երկու ժամից հետո պատ-րաստ կլինի» (Քր. Թափալցյան, «Ոսկե հովիտ», 1955, էջ 283)։

Պատահում է, որ երբեմն այսպիսի կապակցության հետո կապը զեղչվում է, և թվականն ու լրացյալ չափի միավոր գոյականն ստանձնում են ամբողջ կապակցության ֆունկցիան, դրանով իսկ դառնալով բայի լրացում։ Այսպես լինում են՝ չորս ժամից (վերադառնալ), հինգ ժամից (վերջանալ), երկու օրից (հեռանալ) և այլն։

Օրինակներ՝

«Հինգ-վեց ամսից նա արդեն այնպես վարժ էր կարդում հայերեն և այնքան լավ էր հասկանում կարդացածը, որ այլևս շատ քիչ բառերի թարգ-մանություն կարիք էր զգում» (Նար-Դոս, 2-րդ հ., 1955, էջ 574)։

«Մի քույրից ամենքս Կոլյայի սննդակումն էինք» (Նար-Դոս, 2-րդ, 1958, էջ 584)։

Թվականով ու չափի միավոր արտահայտող կամ ինքնուրույն շարահյու-սական դեր կատարող գոյականով կազմված բառակապակցությունները երբեմն կարող են լրացական կապի մեջ լինել նաև այլ մակբայների հետ։ Այսպես են, օրինակ, հինգ քույրից ավելի, երկու տարուց պակաս և այլ կապակցություն-ները։

Օրինակներ՝

«Դինու գավը, որ տեսանք նրա ձեռքին, բանեցնում էր տասնհինգ տա-րուց ավելի» (Նար-Դոս, 1-ին հատ., 1952, էջ 59)։

«Ես քսանհինգից երեսուն սանտիմետրից պակաս խոր չեմ վարել...» (Քր. Թափալցյան, «Ոսկե հովիտ», 1955, էջ 265)։

Երբեմն էլ այդպիսի բառակապակցություններում գոյականը զեղչվում է, որովհետև տվյալ նախադասության մեջ այն հանդես է գալիս որպես լրացյալ։ Այդ դեպքում թվականը միայնակ ստանձնում է նաև իր լրացյալի ֆունկցիան և գոյականաբար գործածվելով ստանում է նրա քերականական հատկանիշը,

ալն է՝ հոլովվում է: Այս ձևով ստացվում են՝ հինգից ավելի, վեցից պակաս, հարյուրից անց և այլ բառակապակցություններ:

Օրինակներ՝

«Այժմ նա հինգ հարյուրից ավելի զինվոր ուներ, որոնք կարող էին կռվել բաց դաշտի վրա» (Մուրացան, 3-րդ հատ., էջ 332 և 195):

Քննարկվող բառակապակցությունները կարող են նաև հանդես գալ իսկական և անիսկական կապերի խնդիրների դերում: Այդպիսի կապակցություններ կան հետևյալ նախադասություններում.

«Բացի տալը հազար ուսլուց նրա զրպաններում հայտնաբերեցին ուրիշի անվամբ մի կեղծ անձնագիր» (Ս. Պանդադյան, «Հողը», 1955, էջ 731):

«Ինչ էք կարծում, երկու ֆունտի Վալի արդեն պակասել էր ծանրություն, մի ֆունտ ձեր լրագրի հաշվին երևի, մյուսը՝ ձեր հակառակորդի» (Նար-Դոս, 3-րդ հատ., էջ 75):

«Մենք Վոամին հինգ մաաի պես գիտենք» (Ք. Թափ., «Ոսկե հովիտ», էջ 253):

«Ով էլ լինեք, ինչ գործով էլ դար, մի օրվա փոխարեն պապս նրան պահում էր երկու, երեք օր» (Ա. Բակունց, Երկեր, 1955, էջ 123):

Հաճախ թվականի ու գոյականի բառակապակցությունը դառնում է մի շարք կապական բառերի խնդիր: Այդպիսի կապակցություններում թվականի լրացրալի դերում հանդես են գալիս մեծ մասամբ չափի միավորի իմաստ ունեցող գոյականները (երեք տարվա ընթացքում, վեց շաբաթվա մեջ, երկրորդ ժամից հետո):

Օրինակներ՝

«Սակայն գրախանութում նրան ասացին, թե վերջին երեք ամսվա ընթացքում նրա երկու գրքույկից մեկն ամենեին չի ծախվել, իսկ մյուսից ծախվել է հինգ օրինակ միայն...» (Նար-Դոս, 1-ին հատ., 1955, էջ 179):

«Երան թվում էր, թե այդ ուրախ և անհոգ մարդն այդ մի ամսվա մեջ մի քանի տարով ծերացել է» (Նար-Դոս, 2-րդ հ., 1955, էջ 391):

Պետք է նշել, որ թվականը սերտ կապակցության մեջ է մտնում ոչ միայն չափի միավոր արտահայտող, այլև բազմաթիվ այլ գոյականների հետ, որոնք մի շարք դեպքերում թվականից կարող են անջատ գործածվել և կատարել շարահյուսական ինքնուրույն պաշտոն, սակայն թվական լրացում ունենալու դեպքում չեն գիտակցվում որպես անկախ անդամ: Այս դեպքում արդեն գոյականի և թվականի կապակցությունն ալիքան է սերտ լինում, որ դրանց բաժանումն անհնարին է՝ առանց իմաստի խախտման: Կապակցության երկու բաղադրիչները այլևս նախադասության մեջ չեն կարող գիտվել որպես ինքնուրույն անդամ, այլ միասին դառնում են նախադասության մեկ անդամ: Այդ գոյականների մի մասը նման կապակցությունների մեջ է մտնում նաև ուրիշ խոսքի մասերի հետ, ինչպես դերանվան, ածականի և այլն (այս դեպքում, նման դեպքում և այլն): Սակայն, որոշ գոյականներ էլ միայն թվականի հետ են այդպիսի բառակապակցություն կապվում: Այսպես, օրինակ, առաջին դեպքում, առաջին հայացքից, երկու նվազ, առաջին նվազ, առաջին հերթին, մի կողմից, երկու կողմից և այլն:

«Առաջին հայացքից Արեհիլի այդ մեծ՝ քաղաքում ոչինչ չի փոխվել» (Գ. Սևունց, «Թեհրան», 1-ին հատ., 1953, էջ 6):

«Առաջին հերթին շուկա հանեց փոքրիկ կապերտը» (Գ. Սևունց, ն. տ. էջ 211):

«Երեք կողմից կաթնաղբյուրի խոտհարքները շրջապատված են սարերով, իսկ մի կողմից բաց հորիզոն է» (Ս. Խանդավյան, «Հողը», 1955, էջ 668):

Թվականի և այլ խոսքի մասերի բառակապակցություններ. — Թվականը լրացական հարաբերություններ կապակցության մեջ է մտնում նաև այլ խոսքի մասերի հետ: Դրանց մեջ հատուկ տեղ ունեն անգամ, անգամից, տարեկան, ամսական, օրական և այլ բառերի հետ թվականի կապակցությունները:

Անգամ բառը (որը կարող է հանդես գալ նաև անգամից, անգամվա, անգամով հոլովված ձևերով) ծագմամբ մակրայ է, սակայն ժամանակակից գրական հայերենում այն վերածվել է եղանակավորող բառի: Ինչպես մյուս խոսքի մասերի, այնպես էլ թվականների հետ կապակցվելով է, որ անգամ բառը շարահյուսական ֆունկցիա է կատարում, իսկ առանձին միայն եղանակավորող բառ է (այլ իմաստով): Թվականները, կապակցվելով անգամ բառի հետ, կարող են տարբեր հարաբերություններ արտահայտել: Այսպես, քանակական թվականները կապակցվելով անգամ բառի հետ, ցույց են տալիս գործողության կատարման չափը (մեծ մասամբ): Իսկ դասական թվականների և անգամ բառի կապակցությունը ժամանակային հարաբերություն է արտահայտում: Բառակապակցությունների այս տեսակը շատ գործուն է արդի գրական լեզվում:

Օրինակներ՝

«Վսուղին երկու անգամ խուլ հագաց կոկորդում» (Գ. Ս., «Թեհրան», 1953, էջ 37):

Անգամ բառը հանդես է գալիս նաև անգամից, անգամով և այլ ձևով:

Օրինակ՝

«Կարելի բան է առաջին անգամ տեսնել աղօթիկը և հենց առաջին անգամից էլ նշան տալ» (Նար-Դոս, 2-րդ հատ., 1955, էջ 418): Այս բառակապակցությունն այնքան սերտ ամբողջություն է, որ վերածվել է բարդ բառի՝ միանգամից: Այդ բառակապակցությունները հաճախ ունենում են ժամանակի ցույց տվող որևէ գոյական բաղադրիչ, դրանով էլ վերածվելով երեք բառանի կապակցության: Ժամանակի ցույց տվող այդ բառը մատնանշում է պարագայական չափի սահմանները, արտահայտելով սահմանափակող հարաբերություն հիշյալ բառակապակցության նկատմամբ:

Օրինակներ՝

«Աղջիկը բավական սգեղ արարած էր, հոր պես դեղնավուն և, ըստ երևիության, հիվանդոտ. բժիշկը շաբաթը երկու անգամ կանոնավորապես այցելում էր նրան» (Նար-Դոս, 1-ին հատ., 1955, էջ 226):

«Սրբ երկու-երեք անգամ կարճ, բայց սաստիկ անձրև էր գալիս» (Ս. Խանդ., «Հողը», 1955, էջ 617):

Երբեմն ժամանակի ցույց տվող բառն արտահայտվում է ածականով:

Օրինակ՝

«Սաթո մայրիկը օրական երկու անգամ գալիս կթում էր, կաթը հանձնում ֆերմայի վարիչին և գնում տուն» (Վր. Թաթ., «Սևիկ հովիտ», 1955, էջ 206):

Երբեմն էլ անգամ բառի և նրա հետ կապակցվող թվականի մոտ ժամանակն արտահայտվում է թվականի և չափի միավոր արտահայտող բառի կապակցությամբ:

Օրինակ՝

«Օրամեջ, կամ երկու օրը մեկ անգամ վերցնում էր հավերի ածած ձուռն և գնում թաղի մանրավաճառի մոտ» (Նար-Դոս, 1-ին հատ., 1955, էջ 77):

Ավելի հաճախ են գործածվում դասական թվականի և անգամ բառի կապակցությունները:

Օրինակներ՝

«Բայց ահա լսվեց Հոկտեմբերի ահագանգը Պետրոգրադից, և Դավիթ Ֆոմիչն առաջին անգամ բնազդական սարսուռ զգաց ահարկու գալիքի հանդեպ» (Նար-Դոս, 1-ին հ., 1955, էջ 238):

Երբեմն պատահում է, որ անգամ բառը նման բառակապակցություններում զեղչվում է, և թվականը միայնակ կատարում է բառակապակցության դեր: Օրինակ՝ հազար չափի, մեկ՝ կտրի, հասկացողին մեկ ասա, չհասկացողին՝ հազար ու մեկ: Սրանք պատահում են առածներում և ասացվածքներում, որտեղից էլ անցնում են գեղարվեստական երկերի մեջ:

Օրինակ՝

«—Դե որ չես սիրել, չես հասկանա—հազար նկարագրեմ» (Ն.-Դ., 2-րդ հատ., էջ 420):

Հատուկ տեսակի բառակապակցություններ են կազմվում թվականներով և տասնյակ, զույգ հավաքական թիվ արտահայտող բառերով, որոնցից առաջինը գոյական է, իսկ երկրորդը՝ ածական: Այսպես են՝ երեք զույգ, հինգ տասնյակ, վեցական զույգ և այլն: Օրինակներ՝

«Պատերից յուրաքանչյուրը բաժանվում էր չորս կամարամասի, հնգական զույգ որմնասյուներով, որոնք հաստատված էին գոտեգարդ պատվանդանների վրա» (Մուրաց., 3-րդ հատ., 1952, էջ 10):

«...Նրանց հետևում էին մոտ երկու տասնյակ հեծյալ ժանդարմներ և Սարգար խանի մարդիկ» (Գ. Սևունց, «Թեհրան», 1-ին հ., 1953, էջ 308):

Բանական թվականները լրացական հարաբերությամբ բառակապակցության մեջ են մտնում—անի ածանցով կազմված ածականների հետ (հարկանի, զլխանի, աչքանի, ոտանի և այլն): Այսպես, լինում են՝ հինգ հարկանի, երեք զլխանի, վեց աչքանի, մի ոտանի և այլն: Ածականն ալյուտեղ ցույց է տալիս որևէ բան ունենալու հատկանիշ, իսկ թվականը նրա վրա դրվելով սահմանափակում է այդ հատկանիշը: Օրինակ՝

«Ով եկել է մեզ մոտ, մեկ երկու տարի մնացել է, կոլխոզի հաշվին մի լավ հարստացել է, իր համար երկու հարկանի բնակարան է շինել Երևանում, վերջն էլ մերկացվել, շպրտվել է դուրս» (Քր. Թափ., «Ոսկե հովիտ», 1955, էջ 430):

Ավելի հաճախ են գործածվում թվականի և օրական, ամսական, տարեկան և նման ածականների կապակցությունները: Այդպիսի բառակապակցություններում թվականը նշում է ժամանակային հատկանիշի թվական չափը, այլ կերպ ասած՝ դրսևորում է այդ հատկանիշի սահմանափակությունը ժամանակի շղթայում: Թվականը և ածականը տվյալ կապակցության մեջ սերտ միասնություն մեջ են: Իբրև նախադասության անդամ էլ նրանք միասին են մի պաշտոն կատարում: Օրինակներ՝

«Հինգ տարեկան *երեխա էր, որ հայրն ու մայրը մեռան, վերցրի պահեցի, ուսումի տվեցի»* (Նար-Պոս, 3-րդ հ., 1955, էջ 12):

«Հարեան խարխուլ տան կտրան ծալրին, նորարույս առատ կանաչի մեջ կանգնած էր հազիվ մի ամսական սպիտակ մի գառ...» (Նար-Պոս, 3-րդ հ., 1955, էջ 8):

Առանձին խումբ են կազմում այն բառակապակցությունները, որոնք կազմված են թվականից և մի շարք անխական կապերից: Այդ կապակցություններում թվականն ստանում է գոյականի քերականական ձև և հոլովված է հանդես գալիս, սակայն իմաստով այն թիվ է արտահայտում: Թվականը կապակցվում է չափ, մոտ և այլ բառերի հետ, և բառակապակցությունն արտահայտում է մոտավոր թվական չափ: Այսպես են՝ քսանի չափ, վաթսուհին մոտ և այլն: Օրինակներ՝

«Նա յուր հետ ուներ ընդամենը հինգ հարյուրի չափ զորք» (Մուրացան, 3 հ., 1952, էջ 453):

«Եւ վաթսուհին մոտ, առույգ, պնդակորով մի տղամարդ էր, կլանքում երբեք չէր հիվանդացել և ամեն օր պարապում էր մարմնամարզություն» (Քր. Թադ., «Ոսկե հովիտ», 1955, էջ 115):

Հայերենում թվականը սովորաբար կապակցության մեջ չի մտնում բայի հետ:

Սակայն երբեմն դասական թվականները, մասնավորապես առաջին դասականը առաջինը ձևով պարագայական լրացման դերում կապակցվում է բայի հետ: Օրինակ՝

«Առաջինը այգի մտավ կարինեն» (Քր. Թադիսյան, «Ոսկե հովիտ», 1955, էջ 99):

Բառակապակցություններ, որտեղ թվականը լրացյալի դերում է. — Ժամանակակից գրական հայերենում բավական տարածված են այլ խոսքի մասերով և թվականով կազմված բառակապակցությունները, որոնք մի շարք տեսակների են բաժանվում ինչպես բաղադրիչների փոխհարաբերության, այնպես էլ իրենց արտահայտած իմաստների տեսակետից: Առաջին հերթին պետք է նշել քանի, մի քանի դերանունների և թվականի կապակցությունը, որն արտահայտում է մոտավոր, ոչ որոշակի թվի հասկացություն: Այս ձևով ունենում ենք մի քանի հարյուր, քանի՞ հարյուր, մի քանի հազար, մի քանի միլիոն: Մի քանի դերանունը (որն իր ծագմամբ մի թվականի և քանի դերանվան կապակցություն է) կարող է կապակցվել նաև հավաքական թվականի իմաստ ունեցող տասնյակ բառի հետ (մի քանի տասնյակ):

Սակայն պետք է նշել, որ քանի, մի քանի դերանունները ոչ բոլոր թվականների հետ կարող են կապակցվել: Այդ բառերի հետ կապակցության մեջ մտնում են մեծ համարանք արտահայտող թվականները միայն (հարյուր, հազար, միլիոն, միլիարդ և այլն): Այսպես, նման բառակապակցություններ կան հետևյալ նախադասություններում.

«Նրա համար ինչ նշանակություն ունի, եթե մեր կոլխոզում մի քանի հարյուր հեկտար կմնա առանց հերկելու ու ցանկու» (Ս. Խանզադյան, «Հողը», 1955, էջ 605):

«Հայկ, քանի հազար անգամ ասել եմ, որ քեզ հասկացող, գնահատող չկա, չկա, չկա» (Քր. Թադիսյան, «Ոսկե հովիտ», 1955, էջ 773):

Քանակական թվականների հետ սերտ բառակապակցություն է կազմում հավաքական թվականի իմաստ արտահայտող տասնյակ բառը: Այդպիսի բառակապակցությունները մոտավոր անորոշ մեծ թվի հասկացություն են արտահայտում: Տասնյակ բառի հետ նույնպես կապակցվում են հազար, միլիոն, միլիարդ և այլ խոշոր թվականներ (տասնյակ հազար, տասնյակ միլիոն և այլն):

Այս բառակապակցությունների լրացյալ թվականը կարող է ածականակերտ ածանց էլ ստանալ, սակայն դարձյալ թվական հասկացություն կարտահայտի: Օրինակ, տասնյակ հազարավոր, տասնյակ միլիոնավոր և այլն:

Թվականի հետ կապակցություն են կազմում նաև մի շարք ածականներ, դերանուններ, մակբայներ և եղանակավորող բառեր: Դրանցում թվականը կարող է հանդես գալ կամ ինքնուրույն շարահյուսական պաշտոն կատարող, կամ թե ալլ ֆունկցիա կատարող բառերի հետ կապակցված: Որոշ դեպքերում թվականը կարող է գոյականաբար առնված լինել կամ չլինել: Սակայն բոլոր դեպքերում էլ այն դիտվում է իբրև տվյալ բառակապակցության գլխավոր բառ, լրացյալ, որի լրացումն են այդ բառակապակցության մեջ մտնող ածականը, դերանունը կամ մակբայը:

Իմաստային տեսակետից այդ բառակապակցությունները միասնական են, բաղադրիչները զատել հնարավոր չէ:

Այսպես են՝ հազիվ երեսուն տարեկան, ուղիղ ժամը վեցին, միայն երկու օր հետո, ընդամենը երեք հատ, առնվազն հինգ ցեղանուն, զրեքս վեց ժամ, մոտ քառասուն տարի, ամբողջ երեք օր, ճիշտ քսան կտոր և այլն: Օրինակներ՝

«Ուղիղ ժամը տասին ընդարձակ այդ համարը մտավ միջահասակից քիչ բարձր, վայելչակազմ, գեղեցկադեմ, հազիվ քսանինը տարեկան մի զինվորական՝ գնդապետի ուսադիրներով» (Գ. Սևունց, «Թեհհրան», 1-ին հ., 1953, էջ 62):

«Արջանց Ասլանը Հասրաթյանին այցելեց գլուզ գնալուց միայն երկու օր հետո» (Ս. Ոսկանյան, «Հողը», 1957, էջ 374):

«Մենք քիչ ենք, ընդամենը երեսուն հոգի» (Ս. Ոսկանյան, ն. տ. էջ 449):

«Բերքը առնվազն մեկ ցեղանունով ավելի պետք է լինի» (Ս. Ոսկանյան, ն. տ. էջ 543):

«Ամբողջ չորս տարի վշտի և հուսահատության մեջ սպասելը շատ շտապել է նշանակում» (Նար-Դոս, 1-ին հատ., 1955, էջ 214):

Ինչպես տեսնում ենք, բերված բառակապակցություններում ածականը, դերանունը, մակբայը կամ ճշգրտում են թվականի ցույց տված չափը (ուղիղ, ընդամենը, ամբողջ, միայն) կամ մոտավոր չափ են ցույց տալիս (հազիվ, զրեքս, մոտ):

Սակայն մոտավոր թվի հասկացությունն արտահայտվում է նաև մի քանակական թվականի կապակցությամբ, ուրիշ քանակական թվականների հետ: Այսպես, օրինակ, մի երկու, մի տասնհինգ (հոգի), մի հարյուր (մարդ):

«Մի տասը թույն անց նրանք արդեն նստել էին սեղանի մոտ» (Ս. Ոսկանյան, «Հողը», 1957, 740):

«Մի երկուսի նսուլգները խրխնջում էին կատաղությունից» (Գ. Դեմիրճյան, «Վարդանանք», 1954, էջ 14):

Մոտավոր թվի հասկացություն են արտահայտում նաև այն բառակապակցությունները, որոնք կազմված են չափի տեսակետից իրարից ոչ հեռու ընկած երկու թվականներից: Այսպիսի կապակցության մեջ լրացական փոխհարաբերություն չկա՝ շարահյուսական տեսակետից: Այսպիսի կապակցություն են երկու-երեք, չորս-հինգ, հինգ-վեց, հինգ-տասը, քսան-քսանհինգ: Կապակցության այս տեսակի համար սահմանափակում չկա, բոլոր թվականներն էլ կարող են այս ձևով կապակցվել, սակայն այն պայմանով, որ առաջին բաղադրիչը երկրորդից փոքր թիվ արտահայտի: Օրինակներ՝

Տերա ստացած միակ շոշափելի օգուտն այն էր, որ այդ ժամանակամիջոցում տասը-տասնհինգ ձու էր ետ գցել թուխս նստեցնելու համար» (Նար-Դոս, 1 հ., էջ 83):

«Մենակ ես չէի, շատերն էն ժամանակ երկու-երեք կով ունեին, տասնհինգ-քսան ոչխար» (Ս. Խանդադյան, «Հողը», 1957, էջ 432):

Պատահում է, սակայն, որ այսպիսի բառակապակցություններից առաջ, որոնք արդեն իսկ մոտավոր թիվ են արտահայտում, դրվում է մի թվականը՝ դարձյալ մոտավոր իմաստով (անորոշության երանգով): Այսպես, մի հինգ-տասը, մի քսան-երեսուն և այլն: Օրինակ՝

«...Իսկ փեսացուի կողմից հրավիրված էին նրա մի երկու ազգական կանայք և մի քանի պաշտոնակիցներ, այսպես որ բոլորս միասին առած՝ հագիվ մի տաս-քսան հոգի լինեինք» (Նար-Դոս, 2-րդ հ., 1955, էջ 455):

Երկու թվականի կապակցությունը կարող է արտահայտել նաև այլ իմաստ: Այսպես, նույն թվականների կրկնավոր կապակցությամբ արտահայտվում է բաշխական հարաբերության իմաստ: Հայերենում բաշխական թվականները կազմվում են ոչ միայն -ական ածանցով՝ քանակական թվականներից, այլև քանակական թվականների կրկնավոր կապակցությամբ: Բաշխական հարաբերության իմաստի արտահայտման այս միջոցը հատուկ է ավելի շատ բարբառներին և խոսակցական լեզվին, որտեղից էլ այն թափանցում է գրական հայերենի մեջ: Օրինակ՝

«Հինգ-հինգ հոգի իրար դեմ ելած՝ սրամարտ էին մղում» (Դ. Դ., «Վարդանանք», 1954, էջ 14):

Թվականների կրկնավոր բառակապակցությունները կարող են արտահայտել նաև ուրիշ իմաստ: Դրանք ստանում են պարագայական իմաստ և սովորաբար դիտվում որպես մակրայական կապակցություններ, ինչպես, օրինակ, մեկ-մեկ, երկու-երկու, հինգ-հինգ, վեց-վեց և այլն: Օրինակներ՝

«Տաստ հանկարծ սթափվում էր, աչքերը տրորում, մոտեցնում բրնձով լի ամանը, և մատով մեկ-մեկ ընտրում բրինձը» (Ա. Բակունց, Երկեր, էջ 134):

Իմաստային տեսակետից հետաքրքրություն է ներկայացնում հազար թվականի կրկնությունը: Հազար-հազար կապակցությունը նշանակում է ոչ թե առանձին երկու հազար, այլ՝ շատ հազարներ: Այստեղ կրկնությունը բառակապակցությունը փերածում է մեկ բարդ բառի: Օրինակ՝

«Ու պիտի գա հանուր կյանքի արշալույսը վառ հագած, հազար-հազար լուսապայծառ հոգիներով ճառագած...» (Հ. Թումանյան, ընտիր երկեր, 1953, էջ 50):

Դասական թվականը որևէ ժամանակի միավորի գոյականի հետ կապակցության մեջ մտնելիս կարող է ունենալ գոյականով կամ գերբայով արտահայտված լրացում, որն ավելի շուտ վերաբերում է ամբողջ բառակապակցու-

թխանք: Այս տիպի կապակցությունները սակավադեպ գործածություն ունեն: Օրինակներ՝

«Միայն երեւան գալու վեցերորդ օրը Հասարակածին ու Թագուհուն հաջողվեց տեսնել միմյուսի քեռուն» (Ս. Պանգադյան, «Հողը»);

«Վերադարձի երկրորդ օրն անթ նրան խորհուրդ տվողներ եղան ամուսնանալու» (Ա. Բակունց, Երկեր, 1955, էջ 494);

Առանձին տեսակ են ժամանակ ցույց տվող այն բառակապակցությունները, որոնք կազմված են ժամանակի որևէ հատվածի անվանում գոյականից և նրա լրացյալ թվականից, որը սակայն նման կապակցություններում ունի գոյականի քերականական ձև, օրինակ, մայիսի վեցը, օգոստոսի տասնհինգին, ժամի ութը և այլն: Հիշյալ կապակցություններում քանակական թվականն ըստ էության կատարում է դասական թվականի և նրա լրացյալ ժամանակի միավորի կապակցության դեր: Այսպես, ամսի քսանը նշանակում է ամսի քսաներորդ օրը:

Սակայն, երբեմն էլ թվականի լրացյալ ժամանակի անվանումը (տվյալ դեպքում ժամ բառը) սեռականի փոխարեն դրվում է ուղղական հոլովով: Օրինակ, ասում ենք՝ ժամը տասին (փոխանակ՝ ժամի տասին): Այս ձևն այժմ ավելի շատ է տարածված: Օրինակ՝

«Ուրբաթ օրը, ցերեկվա ժամը երեքին, Ռաշիդը պատրաստվում էր տնից դուրս գալ» (Գ. Սևունց, «Թեհրան», 1-ին հ., էջ 480);

Երբեմն թվականը գոյականաբար գործածվելով կապակցության մեջ է մտնում մի այլ գոյականի կամ հոլովվող խոսքի մասի հետ՝ սահմանափակիչ հարաբերությամբ: Լրացական հարաբերությամբ թվականի հետ կապակցվող բառը դրվում է բացառական (երբեմն էլ սեռական) հոլովով՝ ցույց տալով այն ամբողջությունը, որի մասն է արտահայտում տվյալ թվականը: Այսպես են՝ ձեռքերից մեկը, սենյակներից մեկը, նրանցից մեկը, ներկաներից հինգը և այլ կապակցություններ: Այս կապակցություններն ունեն այն առանձնահատկությունը, որ բառակապակցության բաղադրիչները հետևողությամբ կարող են իրենց տեղը փոխել՝ փոխհարաբերությամբ հանդերձ: Օրինակ, ձեռքերից մեկը կամ մեկ ձեռքը: Օրինակներ՝

«Զինվորներից մեկը իջավ նոսրագից և քարը վերցնելով՝ սկսեց ամուրի թակել դուրբասը» (Գ. Դեմիրճյան, «Վարդանանք», 1954, էջ 18);

«Վատակասերի մեկը պատասխանեց նրան» (Գ. Սևունց, «Թեհրան», 1-ին հ., 1953, էջ 15);

«Նորեկ աղջիկներից երկուսը հրաժարվեցին» (Գ. Սևունց, ն. տ., էջ 88);

Ընդհանրապես թվականը գոյականաբար գործածվելիս քիչ դեպքերում է ստանում գոյականին հատուկ լրացումներ: Սակայն կան դեպքեր, երբ թվականն այդ դերում ստանում է որոշիչ լրացումներ, որոնց հետ կազմում է բառակապակցություն: Օրինակ՝

«Վամուրջն ու ներքին տախտակամածը փշրվեցան, վերին հարկը մյուս երկուսից բաժանվելով կործանվեցավ, իսկ վերջիններին շրջապատեց մի սոսկալի հրդեհ...» (Մուրացան, 3-րդ հ., 1952, էջ 278);

«Զրույցի ժամանակ Աղադին հանկարծ հարցրեց.

— Ինչ ես կարծում, ձեր այդ երեքի արածի մասին ուսանողներից ոչ ոք չգիտեր» (Գ. Սևունց, «Թեհրան», 1-ին հատ., 1953, էջ 495);